



## **PRESS SECRETARIAT**

**MINISTRY OF THE PRIME MINISTER & CABINET  
Apia, Samoa**

Telephone : (685) 63222 ext 746, 747, 748, (685) 24799, (685) 26397

Fax : (685) 26322 Email: [pressesecretariat@samoa.ws](mailto:pressesecretariat@samoa.ws)

**Press Release**

**5 Aperila 2008**

### **1. Auai Sui o le Komiti o Tulafono Tumau i Niu Sila.**

Ua faamoania e le Kapeneta le auai atu o Sui o le Komiti Tulafono Tumau e mata'ituina taualumaga o le Palemene o Niu Sila i Vaega o Komiti Filifilia ma Auaunaga Faa-Palemene, e faia i le aso 6 – 12 Aperila 2008.

O lenei faigamalaga o se valaaulia mai le Palemene o Niu Sila, ma o le a faatupeina uma e le Palemene o Niu Sila le faigamalaga i vaalele, faletalimalo ma meataumafa.

O le faigamalaga a Samoa o le a auai atu i ai le Afioga Tolofuaivalelei Falemoe Leiataua, le Afioga Tu'uu Anasii, Afioga Le Mamea Ropati, Tofa Fonotele Pierre Lauofo, Afioga Asiata Saleimoa Vaai, ma le Sui Failautusi o le Fono Aoaofaitulafono.

### **2. Tofiaina o le Ofisa Sili o le Pulega o Malae ma Fale Ta'alo a Samoa.**

Ua faamaonia e le Kapeneta le tofiaina o le Susuga Siosaia G. Salesulu e avea ma Ofisa Sili o Pulega o Malae ma Fale Ta'alo a Samoa (SSFA) mo le tolu tausaga, e afua atu i le aso 14 Aperila 2008, ma o le a faaauau pea le tofiga le tumau o le Susuga Fonoti Manogiamanu Etuale, o le Sui Ofisa Sili se'ia o'o i le aso 30 Aperila 2008.

I le faasalalauina ai o lenei avanoa, e to'avalu i latou sa tuuina ane a latou Tusi Talosaga, a e to'alima i latou sa valaauina mo faatalanoaga. I le maea ai o iloiloga ma sailiga o le Komiti Faatalanoa, ua autasi nei le Komiti e tofia le Susuga Siosaia G. Salesulu e avea ma Ofisa Sili o Pulega o Malae ma Fale Ta'alo a Samoa.

### **3. Faapaiaina o le Vaa o le MV Lady Filifilia ma le tatalaina aloaiaina o le auaunaga a le Talofa Cruises.**

Ua faamaonia e le Kapeneta le polokalame mo le fa'apaiaina o le Va'a o le MV Lady Filifilia i le Aso Gafua 7 Aperila 2008.

Ma i le maea ai o le faapaiaina o lenei Sa, o le a tatalaina aloaia le auaunaga a le Talofa Cruises mo le atunuu.

#### **4. Poloketi a Samoa mo Suavai Lafoai ma Alavai.**

Ua faamaonia e le Kapeneta le Poloketi a Samoa mo Suavai Lafoai ma Alavai, lea sa sainia le konekarate i le aso 1 Aperila 2008, ma le Kamupani Ausetalia o le Infrastructure Constructions Pty Ltd. O le Kamupani leni o le latou faatinoina leni Poloketi.

O le Minisita o Galuega, Fela'uaiga ma Atinae Eseese, le Afioga Tuisugaletaua A. S. Aveau, o le Taitaifono foi o le Komiti Faatonu o Pulega o Suavai, na fai ma Sui o le Malo e sainia leni feagaiga faatasi ai ma sui o le Kamupani Ausetalia.

O leni polokalame o le a fa'aaluina ai le vai lafoa'i, ma le vai leaga, mai aiga, ma agai i totonu o paipa, ona ta'iina atu lea i Sogi i le treatment plant, e tuu vaevae ai le vai ma le otaota. O le suavai e fa'aalu i le toga togo, a e o le otaota malo, e aveina i Tafaiata, e fa'amago ai ona mafai lea ona faaoga i isi atinae, e pei o fa'atoaga.

#### **5. Polokalame Faamanatuina Tutoatasi a Samoa 2008.**

Ua faamaonia e le Kapeneta le Polokalame mo le faamanatuina o le Tutoatasi a Samoa mo leni tausaga 2008.

O loo fuafua e tasi ma le afa aso e faatino ai leni faamoemoe, mai le Aso Gafua, 2 Iuni, ma le Aso Lua, 3 Iuni 2008.

**Government Press Secretariat.**